



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Processio ad sanctum Ambrosium pro concilio sexto Prouinciali.

urn:nbn:de:hbz:466:1-10502

& clerus suo ordine ad Sanctum Ambrosium paulatim progreditur. sequuntur tandem Reuerend. Canonici ordinarii, & vniuersum Capitulum Metropolitanæ, Reuerendissimi Episcopi, & ipse Illustrissimus Metropolitanus, prælati plurimi; plurimusque populus. In itinere fuit ea quæ inferius adnotabitur ratio psallendi & canendi, quæ etiam fuit impressa, & omnibus Præpositis, Præfectis, & prælatis, ac aliis de more distributa & consignata.

Processio ad Sanctum Ambrosium pro Concilio Prouinciali sexto.

V. Dominus vobiscum **R.** Et cum spiritu tuo. Antiphonæ processionales. Spiritu principali confirma nos Domine. Alleluia, Alleluia. Spiritus sanctus docebit vos, Alleluia. Quæ oporteat dicere Alleluia. Redde nobis lætitiâ salutaris tui, & spiritu principali confirma nos Deus, Alleluia. Emitte spiritum tuum & creabuntur, & renouabis faciem terræ. Alleluia, Alleluia. Spiritus Domini repleuit orbem terrarum, Alleluia, & hoc quod continet omnia, scientiam habet vocis, Alleluia, Alleluia, Alleluia. Hymnus. Veni creator spiritus. Hymnus, de sancto Ambrosio. Miraculum laudabile, Hymnus de sanctis Martyribus Prothasio & Geruasio, Grates tibi Iesu. Psalm. 103. Benedic anima mea domino, domine Deus meus. Psalm. 47. Magnus dominus & laudabilis. Psalm. 100. Misericordiam & iudicium. Oratio de Sancto Ambrosio. Sancti Ambrosii nos quæsumus. Omnes & singuli in processione Breuiarium aut Psalteriû habeant ad canendum & psallendum, vt supra. Præpositi Ecclesiarum Collegiatarum hanc tabellâ ipsi habeant, ex cuius præscripto ecclesiæ suæ canonicis, clero vt in tempore prænuncient, quem psallendum cantent.

In basilica sancti Ambrosii, Illustrissimus Dominus Metropolitanus statas orationes de Spiritu sancto, pro peccatis, ac de Sancto Ambrosio, & sanctis Martyribus Prothasio & Geruasio patronis, ante Altare maius consistendo perorauit: & reuersus ad Metropolita-

nam, ipse ad sedem Pontificalem accessit: & deposito pluuiali, casulam & pallium induit, & inde progrediens ad Altare, Missam de sancto Spiritu more Ambrosiano celebrauit. In qua primò benedictionem solennem post Pater noster ad præscriptum Pontificalis restituit. Dum Missa celebratur, Reuerendis. Patres Episcopi comprouinciales in choro in dextera parte in loco parum distante à sede pontificali pannis violaceis, & puluinaribus decenter ornato confederunt. Missa verò absoluta, Illustrissimus Metropolitanus, & Reuerendissimi Episcopi in sessionem descendunt, quæ hoc ordine disposita erat. Illustrissimus Metropolitanus sella pretiosa laminibus argenteis tecta ante altare tribus gradibus eleuata, Reuerendissimi Episcopi inferius vtrinque subselliis vno gradu eleuatis panno rubeo tectis in forma emiclorum dispositis, & post eos Reuer. Capitulum Metropolitanæ, ex opposito altaris & Metropolitanus, pluteus promotorum & Cancellarii panno serico tectus.

Primò omnes genuflectentes paulùm orant: tum assurgens Illustrissimus Metropolitanus, preces recitat, cæteraque omnia ad præscriptum Pontificalis aguntur: mox Euangelium per Reuer. D. Archidiaconum canitur, absolutoque Euangelio, & thurificatione consueta, Illustriss. Dominus Metropolitanus Comitante Reuer. Capitulo Metropolitanæ suggestû ascendit, & orationem habuit, vt supra in Concil. prouinc. 6. ad finem.

Illustrissimo D. Metropolitanus ad locum sessionalẽ reuerso, ad præscriptum Pontificalis Hymnus, Veni creator &c. ipso Illustrissimo præcinente, ac aliæ statæ preces cantatæ sunt.

Omnibus in sessione & in loco benedictionis ordine vt sup. confidentibus, comparuerunt Reueren. Promotores, & pro inchoando Concilio his conceptis verbis institerunt.

Comparitio Promotorum. Illustriss. & Reuerendis. in Christo pater, & Do. Metropolitane, patresque R. Deo Optimo Maximo, à quo bona cuncta procedunt, gratias agimus, quòd optatus diem pridem in Synodo prouinc. quinta indicus,

indictus, initij Prouincialis Concilij sexti adest, Decimus scilicet huius mensis Maij. Non est nobis ignota prestantissima charitas vestra erga Deum & erga gregem vobis commissum.

Proinde instante iam die salutaris istius vestrae actionis, & synodalia deliberationum, nos N. & N. & huius sexti Conc. Prou. Promotores, ab Illustriss. Dominatione Reuerendissimaq; Paternitate, auctoritate tua Metropolitana constituti, vt ex instrumento appareret quod R. D. N. Cancell. Archiepisc. Notarius publicus die septimo huius mensis Maij M. D. LXXXII. Pontif. Sanctiss. D. N. Gregorij Papæ XIII. anno Decimo confecit; primo illud ipsum instrumentum in parte & causis fauorabilibus tantum exhibemus: & pro publico & autentico pronunciarum publiceque legi requirimus. Et quoniam Sacrosancti Concilij Tridentini decreto (quod in sessione vigesimaquarta, Capite secundo de reformatione exscriptum etiam exhibemus, publiceque legi petimus) cauetur, tertio saltē quoque anno Concilium Prouinciale conuocari, & celebrari, proptereaque ad illius præscriptum Dei gratia & munere iam pridem Synodis Prouincialibus quinque celebratis, nunc Concilij Prouincialis sexti, in superiori quinta Synodo, item Prouinciali decreto, quod etiam legi petimus, indicti dies præsens adest: pro officij nostri munere instamus & requirimus hoc Concilium Prouinciale sextum iam tunc Metropolitana auctoritate, ex formula decreti Prouincialis quarti indictum denunciatum & promulgatum, hoc ipso die per vos deliberari & declarari incipere & iam inceptum esse. Instamus præterea & requirimus omnes & singulos Reuerendissimos Episcopos qui adiunt, & quocunque modo debent, nominatim vocari; alios item, qui inuitantur; testes etiam synodales, & omnes alios quoscunque vel generatim, vel speciatim interest: vt si quid pro publica huius Prouinciæ utilitate habent, vel si quas controuersias item, quæ componendæ, sint habent, ad hanc præsentem Synodum referant, cuius prosperum suc-

Pars III.

cessum exoptamus & à Deo supplices, pijs orationibus precamur.

Intellecta Promotorum comparitione, & petitione, Illustriss. D. Metropolitanus mandauit Instrumentum deputationis prædictum, ac decretum Tridentinum, & indictionem huius sexti Concilij Prouincialis in superiori quinto Concilio factum ad verbum à Cancell. Archiepiscopali alta & intelligibili voce in sessione legi: & ita factum est.

Accedens postea Cancell. ad Illustriss. D. Metropolitanum, de ipsius manu decretum de aperiendo & inchoando Concilio accepit, & ascendens ambonem de scripto decretum de aperienda Synodo pronunciauit.

Eius decreti exemplum habetur supra in actis Conc. 1.

Hoc decreto recitato Cancell. de suggestu descendens, adhibitis R. Promotoribus ad Illustrissimum Metropolitanum & ad singulos Reuerendissimos Patres accessit, qui ordine sententiam rogati, consueta formula omnes responderunt: Placet.

Sententijs omnium concordibus Illustrissimo Metropolitanum relatis, respondit Deo gratias, & statim decretum de initio Concilij promulgandum Cancell. dedit, vt infra.

Decretum de initio Concilij.

NOS Carolus Sanctæ Romanæ Ecclesiæ Presbyter Cardinalis tituli Sanctæ Praxedis, & Archiepiscopus Sanctæ Ecclesiæ Mediolanensis, ad Dei omnipotentis, beatæque Mariæ semper Virginis, ac Sancti Ambrosij Confessoris, & Beatorum Martyrum Prothasij & Geruasij patronorum nostrorum laudem, decernimus de consilio & consensu Reuerendissimorum DD. Coepiscoporum nostrorum, hoc ipso die, qui dies decimus est mensis Maij, adiutrice diuina misericordia, initium fieri, atque adeo iam factum esse Concilij Prouincialis sexti, quod in superiori proxima Synodo Prouinciali quinta decreto edito, nostra Metropolitana auctoritate indiximus, denunciauimus & promulgauimus.

K Decreto.